

2003

Das sind Hofa-Häxä Bängg...
Wenn Dir uns Isoed hän dr's Gschängg...
Stöhnd uff und mached alli mit..
Denn wird die Fasnacht e riesä Hit...

Mel Gibson, Antonio Banderas, Sean Connery, Brad Pitt,
Bruce Willis, Nicolas Cage, Ricky Martín, die Männer sin e Hit
Au dr David Beckham isch nid ganz ohne
Mir verstöhn nid, was hön dir geges cloone

Wotsch Kokse und Deale als wärs banal muesch nüm in d'Riigass uf Basel, wie Normal
Au nüm uff Amsterdam oder Cuba gooh
Chaschs eifach ni uns am Bühnewäg, go abhole cho

Zur Zyyt dien e ganze huffe jubilierä
Dreine wän mir an dere Stell no rächt Härzlich gratulierä
Soleita isch sportlich, dr Musikverein duet musizierä
Und Höllehünd, jä guet, was die sit 10 Joohr eso triebä,
Chönne mir au nid definierä

s'Rot/Blaue Fieber duet d'Schwyzler faszienierä
Ufem Platz wird kämpft, gschwitzt, bis zum zelebrierä
au mir finde dr FC Basel ganz spzeiell
Nei, nid wäggem Schutte, d'Männer sin sensationell

Au s'letscht Joohr het is Hofstette wieder ins stuunä versetzt
s wärde Parkplätz baut und wild druff los Betonpföste gsetzt
Glii het au dr Martín gmerkt, es chunnt en ztüür
Nachem 10te Blächschaade an dr Autotüür

Das d'Schwobä chli anderscht tiggä isch is allne klar
Mitere schöne Blondine sueche sie e Superstar
Wenns nur als Deko wär würde mrs jo no verstoh
Aber wie cha me d'Hunziker im Färnseh au no schwätze loo

z'Hofstette fahre in letschter Zyyt jetzt müen dr loosä
E huffä fremdi ume, Dütschi, Zürcher, Ettiger und au Franzoosä
Sie chömme aber nid wäge dr Stärnebärg Susi
sondern, so wird's verzellt, wäge dä neue Chelle-Gspusi

Dr Murat das isch ganz e Tolle
Bruni Auge und Hoor wie kuscheligi Wulle
Mit sim Charme stellt er alli andere in Schatte
Mr rede nid vom Yakın, sondern vom Kamel uf dr Bergmatte

Chum isch d'Expo ändlich verbii
Müen d'Hofstetter mitem „e Art e Platz“ grad nochezieh
Doch bi uns muesch sicher nid in dr Schlange stoh
Will jo eh Keine weiss, wo me jetzt muess anegoh

Trulla Di Rulla, Trulla Di Ho, Trulla Di Hulla, es isch halt eso...
Dr Pfarrer vo Hofstette het wieder ein botte
Um e bitz mehr Lüt in d'Kirche zlogge
Stei sig's Motto het er uns gsait
unser isch au, denn mir sin Stei breit
Trulla Di Rulla, Trulla Di Ho, Trulla Di Hulla, es isch halt eso...

